

Ass. dr. Amina Zorlak-Čavčić

Amina Zorlak je rođena 15.08.1996. godine u Sarajevu. Prvu bošnjačku gimnaziju završava 2015. godine kao ponos generacije, nakon čega upisuje Medicinski fakultet Univerziteta u Sarajevu. Na Medicinskom fakultetu diplomira 2023. godine s prosjekom 8,54. Iste godine polaže i stručni ispit.

U toku studija imala je priliku da bude dio organizacijskog tima matičnog kongresa SaMed, i to u periodu od 2015. do 2017. godine. Pored toga, imala je priliku da prisustvuje sljedećim kongresima i seminarima: GSC, Beograd-2015., Cardiology Case Report, Sarajevo-2017., Kongres porodične/obiteljske medicine, Sarajevo-2018, te Rare Diseases in Federation of Bosnia and Herzegovina, Sarajevo-2023. godine. Volontirala je na internističkom odjeljenju Opće bolnice prim.dr. Abdulah Nakaš od januara do aprila 2022. godine, te u Zavodu za Hitnu medicinsku pomoć Kantona Sarajevo, u februaru 2023. godine.

Dvije godine je bila stipendista i volonter Fondacije Hastor, i to od 2021. do 2023. godine. Od oktobra 2023. do maja 2024. godine aktivno učestvuje u formiranju oficijalne stranice „Asa Bolnice“, pišući o medicinskim uslugama koje bolnica nudi.

U toku svog studiranja pokazala je zainteresovanost za sudsku (forenzičku) medicinu, te je njen diplomski rad odbranjen na ovoj katedri pod mentorstvom prof.dr. Nermina Sarajlića, na temu „Leševi iz požara- sudska medicinska istraga. Prilikom izrade svog diplomskog rada prisustvuje obdukcijama na Katedri za sudsku (forenzičku) medicinu, a u aprilu 2024. godine dobiva zvanje asistenta na ovoj katedri.